

南華真經循本

南華真經循本卷之八

揭二

廬陵竹峯羅勉道述

明人彭祥點校

內篇應帝王

此篇所以應為帝王之用帝王而悟此反乎太古之世矣

故內篇止此

齧缺問於王倪四問而四不知齧缺因躍而

大喜行以告蒲衣子

崔云即披衣

蒲衣子曰而乃

今知之乎有虞氏不及泰氏

李云即大庭氏

有虞氏

其猶藏仁以要

平

人亦得人矣而未始出於

非人泰氏其卧徐徐其覺于于一以已為馬

一^C以已爲牛其知^去情信其德甚真而未始入於非人

有虞氏懷藏仁道以要結人心固亦得人矣然猶出於人爲不若非人則相與於無相與故曰未始出於非人若上古秦氏寢處自然無所作爲或一以已爲馬或一以已爲牛初無定名蓋緣秦氏其知實信其德甚真不如^一有虞氏懷仁以要人故也然本非有意如此故曰未始入於非人因未始出字却生未始入字

肩吾見狂接輿狂接輿曰日中始何以語去聲
汝肩吾曰告我君人者以已出經

以身出經常之典

式義度人敢不聽而化諸狂接輿曰是欺德也其於治天下也猶涉海鑿河而使蚤負山也

式義用義以準則人涉海必溺鑿河難成
蚤負山則不勝任

夫聖人之治也治外乎正而後行確乎能其事者而已矣

聖人之治豈治其外乎但全其性分之內
正己而後行確然信實爲其所能之事而
已

且鳥高飛以避矰弋之害鼯鼠深穴乎神丘
之下以避熏鑿之患而曾二蟲之無知

格二

二

言君人者若欲齊之以法度則人皆逃而
避之矣鳥鼠且知避害何況乎人曾謂此
二蟲之無知乎

天根遊於殷陽至蓼水之上適遭無名人而
問焉曰請問爲天下無名人曰去汝鄙人也

何問之不豫也

言其問使人不樂

子方將與造物者爲人厭則又乘夫莽眇之
鳥以出六極之外而遊無何有之鄉以處曠
垠之野汝又何帛

莽眇輕虛之狀曠垠音廣朗猶曠蕩也帛

疑是弔字音強上聲古篆之訛上強訛而

爲曰下力尚不失篆體古篆強

以治天下感予之心爲感動也又復問無名人

○曰汝遊心於淡合氣於漠順物自然而無容

私焉而天下治矣

陽子居見老聃曰有人於此嚮疾彊梁

超嚮敏疾彊梁不屈

物徹䟽明

遇物透徹䟽通明朗

學道不勸如是者可比明王乎老聃曰是於

聖人也胥易技係勞形怵心者也

胥刑徒易猶率更也技係以技巧而係累也胥徒更作之人則勞形技巧係累之人則怵心

且也虎豹之文來田獵也獲狙之便平聲執禁

當作之狗來藉也如是者可比明王乎陽子

居蹇然曰敢問明王之治老聃曰明王之治

功蓋天下而似不自己化貸萬物而民弗恃

化施於萬物如假貸之以貸而民不侍賴

其恩

有莫舉名

有莫能舉而名之即民無能名焉之義

使物自喜立乎不測而遊於無有者也

○鄭有神巫曰季咸知人之死生存亡禍福壽

夫期以歲月旬日若神鄭人見之皆棄而走
列子見之而心醉其術歸以告壺子曰始吾
以夫子之道爲至矣則又有至焉者矣壺子
曰吾與汝既其文未既其實而固得道與
既盡也吾與汝平日但盡其外之文未盡

其中之實而固以爲得道歟未爲得道也
衆雌而無雄而又奚卵焉

蘇同契云牝雞不獨卵蓋謂徇其一偏之
術則不能成道此喻列子未盡其實處
而以道與世充必信天

而欲以道與世相高而必人之相信乎

故使人得而相去聲汝嘗試與來以予試之明

日列子與之見壺子出而謂列子曰嘻子之

先生死矣弗活矣不以旬數上聲矣吾見怪焉

見濕灰焉此語有列子入泣涕沾襟以告壺

編二

子壺子曰曷吾示之以地文萌乎不震不正
是殆見吾杜德祿也嘗又與來

山川草木地之文也草木萌芽恬然安靜

不見動搖各正性命不待人力正之但覺

大地寂然而已度人經所謂神風靜默山

海藏雲天無浮翳四氣朗清一國地土山川林木緬平一等无復高下正是此意即所謂杜德機杜閉藏不可見也示之以此故不能相更令列子與之明日重來

明日又與之見壺子出而謂列子曰幸矣子之先生遇我也有瘳矣全然有生矣吾見其杜權矣列子入以告壺子壺子曰曷吾示之以天壤名實不入而機發於踵是殆見吾善者機也嘗又與來

吾見其杜權者閉藏之中却有權變覺與

昨日所見畧不同也杜權正與杜德相對
天壤者天之十二辰猶言天之壤地也天
壤字又是與地文相對地主靜天主動謂
之天便有動意示以天壤者外則名實不
能入其心內則機發於至深季咸殆見吾
善端發露之機耳猶有不能盡知者故又
俾之明日與來

明日又與之見壺子出而謂列子曰子之先
生不齊切皆吾無得而相焉試齊且復相之
列子入以告壺子壺子曰吾曷示之太冲莫

勝是殆見吾衡氣機鯢桓之審

列子作潘音番米汁也則此審字當作潘亦汁也

為淵止水之審為淵流水之審為淵淵有九名此處三焉嘗又與來

見其動靜不一故俾之齋以一其心太沖猶言太和太沖則在杜德機善者機之間莫有勝於此者故言太沖莫勝衡平也衡氣機者處於地文天壤之間動靜各半得其平也衡字又對上文權字示之以太沖

莫勝者即所謂衡氣機也鯢桓鯢所盤桓也潘米汁也水成淵處必有泡沫浮在水面如米汁也止水之潘爲淵者上面雖水流下頭却水停瀦也鯢桓之處止水之處上面流水底下停瀦之處皆謂之淵淵有九名者列子黃帝篇曰鯢旋之潘爲淵止水之潘爲淵流水之潘爲淵濫水之潘爲淵沃水之潘爲淵汎水之潘爲淵雍水之潘爲淵汧水之潘爲淵肥水之潘爲淵淮南子亦有九璇之淵淵名有九此不過處

其三言尚有未盡用也止水之淵以況地
文杜德機是全然不動鯢桓之淵以況天
壤善者機雖是淵水不動却見有鯢盤桓
其中便是靜中有微動意流水之淵以況
太沖莫勝衡氣機水上面一半流底下一
半止流止各半正得其平故以爲太沖衡
氣之喻言僅以此三者示之尚不能知況
示之以其餘乎故又許之與來

機二

六

明日又與之見壺子立未定自失而走壺子
曰追之列子追之不及反以報壺子曰已滅

矣已矣吾弗及已

自彼言之曰滅自此言之曰失

壺子曰鄙吾示之以未始出吾宗吾與之虛而委蛇音威移不知其誰何因以為弟靡因以為波流故逃也

吾宗即所謂大宗師委蛇順也不知誰何不分彼此也弟靡如人之弟靡然從兄也波流如波之順流也雖變化無常而未始出吾大宗大宗者道之本原惟虛而已無分爾我因以為弟靡波流故彼莫測其所

以而逃也

然後列子自以為未始學而歸三年不出為其妻爨食以音豕如食人於事無與親雕琢復朴塊然獨以其形立

雕琢復朴者削去文華復於質朴

紛而封哉一以是終

自此以下乃因上文壺子之事而申論至虛之理歎曰紛然各分封疆之世哉但一切以此終其生而已

無為名尸也主無為謀府無為事任無為知主

體盡無窮而遊無朕盡其所受乎天而無見
得亦虛而已虛字至人之用心若鏡不將不
迎應而不藏故能勝物而不傷

如鏡空明物之來者未嘗迎之去者未嘗
送之但應物而不為物所傷下文却言其

所以傷者

南海之帝為儵音休北海之帝為忽中央之帝

為渾沌儵與忽時相與遇於渾沌之地渾沌
待之甚善儵與忽謀報渾沌之德曰人皆有
七竅以視聽食息此獨無有嘗試鑿之日鑿

一竅七日而渾沌死

此篇名應帝王故所言皆帝王之事篇末以壺子示季咸一段明應世隨時之道仍結歸南海北海之帝內篇凡七文字最爲精密皆是先命篇名而作

南華真經循本卷之八

南華真經循本卷之九十同

禍三

慶陵竹峯羅勉道述

門人彭祥點校

外篇駢拇前七篇皆持撰篇名終篇此意

無持意不過
殺演前義耳

駢拇枝指出乎性哉而侈於德附贅懸疣音疣
出乎形哉而侈於性

駢拇足大指連第二指枝指手指生傍枝
贅息肉依附於形故謂之附贅疣腫結懸
係於形故謂之懸疣性生也德得也侈過

多也駢拇枝指出乎天生而自人之所得
言之則為過多矣附贅縣疣出乎有形之
後而自天生言之則為過多矣

多方乎仁義而用之者列於五藏哉而非道
德之正也

多方多端也列於五藏如肝神仁肺神義
之類

是故駢於足者連無用之肉也枝於手者樹
無用之指也多方二字駢枝於五藏之情者
淫僻於仁義之行而多方於聰明之用也是

故駢於明者亂五色淫文章

青黃黼黻之煌煌非乎而離朱是已

司馬云黃帝時人百步見秋毫之末一云

見千里針鋒孟子作離婁

多於聰者亂五聲淫六律金石絲竹黃鍾大
呂之聲非乎而師曠是已枝於仁者擢德塞
性以收名聲使天下簧鼓以奉不及之法非
乎而曾史是已

擢抽也簧鼓如笙簧之鼓動也曾魯參史

史鮪

駢於辯者繫瓦結繩竄句遊心於堅白同異之間而敵跬譽無用之言非乎而楊墨是已。繫瓦器而不傾結繩而能解小技之巧者以喻辯者之巧也竄句猶云遁辭也敵疲也跬半步也言辯者之勞如疲敵之人半步而行也。

楊三

二

故此皆多駢旁枝之道非天下之至正也

彼正正者

上正字疑即至字之誤

不失其性命之情故合者不為駢而枝者不

為跂多音歧足長者不為有餘短者不為不足

是故龜脰雖短續之則愛鶴脰雖長斷短音之

則悲故性長非所斷性短非所續無所去上聲

愛也意仁義其非人情乎彼仁人何其多愛

也且夫駢於拇者決之則泣枝於手者斲之

則啼二者或有餘於數或不足於數其於愛

一也今世之仁人蒿目而憂世之患

蒿目憂思而目蒙然也

不仁之人決性命之情而饗貴富故意仁義

其非人情乎自三代以下者天下何其器器

○

也

器許驕切聲也自三代以下天下之說仁義者何其聲之器器也

且夫待鈎繩規矩而正者是削其性也待繩墨膠漆而固者是侵其德也得三屈折禮樂三响俞

音俞仁義以慰天下之心者此失其常然也天下有常然常然者曲者不以鈎直者不以繩圓者不以規方者不以矩附離音不以膠漆約束不以經索故天下誘然皆生而不知其所以生同焉皆得而不知其所以得故古今

不二不可虧也

鉤爲曲之器誘然猶津津然九字句故古今爲一而不見其虧壞

則仁義又奚連連如膠漆纏索而遊乎道德之間爲哉使天下惑也

莊老尊道德而小仁義故有是言

夫小惑易方大惑易性何以知其然邪自虞氏招音商仁義以撓天下也莫不奔命於仁義是非以仁義易其性與故嘗試論之自三代以下者天下莫不以易其性矣小人則以

身殉烈士則以身殉名大夫則以身殉家聖人則以身殉天下故此數子者事業不同名聲異號其於傷性以身爲殉一也臧與穀

方言齊之北鄙燕之北郊凡民男而壻婢謂之臧女而歸奴謂之獲因臧者善之名

併名其一曰穀

二人相與牧羊而俱亡其羊問臧奚事則挾筴讀書問穀奚事則博塞

筴音策竹簡長二尺四寸塞悉代切漢書吾丘壽王以善格五待詔注博塞也

以遊二人者事業不同其於亡羊均也伯夷
死名於首陽之下盜跖死利於東陵之上二
人者所死不同其於殘生傷性均也奚必伯
夷之是而盜跖之非乎天下盡殉也彼之所
殉仁義也則俗謂之君子其所殉貨財也則
俗謂之小人其殉一也則有君子焉有小人
焉若其殘生損性則盜跖亦伯夷已又惡取
君子小人於其間哉

且夫屬

音竹
休也

其性乎仁義者雖通如曾史非

○吾所謂臧也善也屬其性乎五味雖通如俞兒○

尸子曰膳俞兒和之以薑而爲人主上食

淮南子作申兒

非吾所謂臧也屬其性乎五聲雖通如師曠
非吾所謂聰也屬其性乎五色雖通如離朱
非吾所謂明也吾所謂臧非仁義之謂也臧
於其德而已矣吾所謂臧者非所謂仁義之
謂也任其性命之情而已矣吾所謂聰者非
謂其聞彼也自聞而已矣吾所謂明者非謂
其見彼也自見而已矣夫不自見而見彼不
自得而得彼者是得人之得而不自得其得

者也適人之適而不自適其適者也夫適人之適而不自適其適雖盜跖與伯夷是同爲淫僻也余愧乎道德是以上不敢爲仁義之操而下不敢爲淫僻之行也

南華真經循本卷之九

南華真經循本卷之十

塵 改 竹 岑 羅 勉 道 述

門 人 彭 祥 然 扶

外篇馬蹄

馬蹄可以踐霜雪毛可以禦風寒斲草飲水

翹足而陸雖有義讀作儀臺路寢無所用之

鄭司農云古者書儀但為義儀臺即郊特

牲所謂臺門也築土為臺臺上架屋當中

為門因為宮室之儀今俗猶稱儀門天

文亦有大儀之庭路寢正寢也舉儀臺與

路寢總宮室之全言之

及至伯樂

音洛姓孫名陽善馭馬石氏星經云伯樂

天星名主典天馬孫陽善馭馬故以為名

曰我治馬燒之剔之刻之雒當作之

燒謂燒鐵以灼之剔謂剔其爪甲刻謂刻

入其肉剝謂去其皮節

連之以羈結馬足紳編之以阜棧馬之死者十

二三矣飢之渴之馳之驟之整之齊之前有

楨飾之惠而後有鞭笞之威而馬之死者已

過半矣

楨口銜也飾馬鑣飾即領下纓

陶者曰我善治埴音熾又拉圓者中規方者

中矩匠人曰我善治木曲者中鈎直者應繩

夫埴木之性豈欲中規矩鈎繩哉然且世世

稱之曰伯樂善治馬而陶匠善治埴木此亦

治天下者之過也

吾意善治天下者不然彼民有常性熾而衣
耕而食是謂同德一而不黨命曰天放故至
德之世其行填填其視顛顛當是時也山無

蹊隧澤無舟梁萬物羣生連屬其鄉禽獸成
羣草木遂長是故禽獸可係羈而遊鳥鵲之
巢可攀援而闢夫至德之世同與禽獸居族
與萬物並惡乎知君子小人哉同乎無知其
德不離同乎無欲是謂素樸素樸而民性得
矣及至聖人蹙蹙為仁跼題去跼為義而
天下始疑矣

填實而不虛浮顛冥而不晶采蹙蹙跼足
而勉行故以喻為仁跼跼企足而強行故
以喻為義

澶漫為樂摘尺音僻為禮而天下始分矣

澶漫猶泛濫摘僻糾摘其邪僻也

故純樸不殘孰為犧樽白玉不毀孰為珪璋
道德不廢安取仁義性情不離安用禮樂五
色不亂孰為文采五聲不亂孰應六律夫殘
樸以為器工匠之罪也毀道德以為仁義聖
人之過也

夫馬

再以馬為喻又進一步說

陸居則食草飲水喜則交頸相靡怒則分背

相踈

喜則以頸交加相與靡順怒則背必分背
相與踈踢蓋馬之相踈各以足向後故曰
分背相踈

馬知^去已此矣夫加之以衡扼齊之以月題

衡轅前橫木扼與輓同所以扼馬頸者

而馬知^平介倪^字如闔扼^句勢曼詭銜竊轡

介甲也戰馬必帶甲闔城門也扼持也城
門所以扼持姦慝鷙曼驕縱也詭銜詐為
受銜也竊轡竊出轡外也言馬習知人情

未被甲而已知甲之端倪未出城而已知城門之扼處遂驕縱不可駕馭詭為受銜竊出轡外有此情狀

故馬之知韉而能至盜者伯樂之罪也夫赫胥氏之時民不知所為行不知所之舍哺而熙鼓腹而遊民能已此矣及至聖人屈折禮樂以匡天下之形縣音跂仁義以慰天下之心而民始蹊跂好知爭歸於利不可止也此亦聖人之過也

縣跂者如懸物而使人跂足及之

南華真經循本卷之十

南華真經循本卷之十一

十二同卷

禍四

廬 陵 竹 峯 羅 勉 道 述

門 人 彭 祥 黠 校

外篇

胠篋

禍四

將為

去聲

胠

丘間切

篋

一

胠腋下傍開其篋如從腋取之

探囊之盜而為守備則必攝絨滕

探囊以手探取其中攝管攝之絨滕封識

之具

固扁鑄

鑄古穴勿扁關也鑄環舌

此世俗之所謂知也然而巨盜至則負匱揭篋擔囊而趨唯恐緘滕扁鑄之不固也然則向之所謂知者不乃爲大盜積者也故嘗試論之世俗所謂知者有不爲大盜積者乎所謂聖者有不爲大盜守者乎何以知其然邪昔者齊國都邑相望雞狗之音相聞罔罟之所布耒耨之所刺七智切

耒耨耨之柄耨耨者除草器說文頭長六寸

柄長三尺刃廣二寸

方二千餘里闔四境之內所以立宗廟社稷
治邑屋州閭鄉曲者曷嘗不法聖人哉然而
田成子一旦殺齊君而盜其國所盜者豈獨
其國邪并與其聖知之法而盜之故田成子

有乎盜賊之名而身處堯舜之安小國不敢
非大國不敢誅十二世有齊國則是不乃竊
齊國并與其聖知之法以守其盜賊之身乎

田成子即陳成子恒也春秋莊二十二年
陳殺其太子御寇公子完字敬仲懼禍奔

齊爲桓公工正匿其氏爲田氏陳田聲近
故也五世至釐子乞爲景公大夫收賦稅
於民以小斗受之以大斗予民由是得衆
遂專齊政卒子成子恒弒簡公立平公封
邑大於公所食歷襄子般莊子白共九世
楊四
至田和篡齊爲侯傳桓公午威王因宣王
辟疆莊子宣王時人故云十一世有齊國
田和以前雖未有國而育姜代陳已見於
卜筮故并數之

嘗試論之世俗之所謂至知者有不爲大盜

積者乎所謂至聖者有不爲大盜守者乎何以知其然邪昔者龍逢斬比干剖第弘脰以音

也子胥靡

靡者胥靡胥洎也靡隨也罪輕而不至朴者令衣褐帶索相隨以執役

故四子之賢而身不免乎戮故跖之徒問於跖曰盜亦有道乎跖曰何適而無有道邪夫妄意室中之藏聖也入先勇也出後義也知可否知也分均仁也五者不備而成大盜者天下未之有也由是觀之善人不得聖人之

道不立跖不得聖人之道不行天下之善人少而不善人多則聖人之利天下也少而害天下也多故曰脣竭則齒寒魯酒薄而邯鄲

圍

釋文邯鄲趙都也楚宣王朝諸侯魯恭公

博

三

後至而酒薄宣王怒欲辱之恭公不受命乃曰我周公之胤長於諸侯行天子禮樂勲在周室我送酒已失禮方責其薄無乃大甚遂不辭而還宣王怒乃發兵與齊攻魯梁惠王常欲擊趙而畏楚救楚以魯爲

事故梁得園邯鄲言事相由也又許慎註
淮南子楚會諸侯魯獻酒於楚王魯酒薄
而趙酒厚楚之主酒吏求酒於趙趙不與
吏怒乃以趙厚酒易魯薄酒奏之楚王以
趙酒薄園邯鄲

聖人生而大盜起倍擊聖人縱舍盜賊而天
下始治矣夫川竭而谷虛丘夷而淵實聖人
已死則大盜不起天下平而無故矣聖人不
死大盜不止雖重聖人而治天下則是重利
盜跖也爲之斗斛以量之則并與斗斛而竊

之爲之權衡以稱之則并與權衡而竊之爲
之符璽以信之則并與符璽而竊之爲之仁
義以矯之則并與仁義而竊之何以知其然
邪彼竊鈞帶也者誅竊國者爲諸侯諸侯之門
而仁義存焉則是非竊仁義聖知邪故遂於
大盜逸字鄭析
子作遂揭諸侯竊仁義并斗斛權衡
符璽之利者雖有軒冕之賞弗能勸斧鉞之
威弗能禁此重利盜跖而使不可禁者是乃
聖人之過也故曰魚不可脫於淵國之利器
不可以示人彼聖人者天下之利器也非所

以明天下也故絕聖棄知大盜乃止摘玉毀珠小盜不起焚符破璽而民朴鄙倍弗折衡而民不爭

以鄙協璽以爭協衡句中作弄

殫殘天下之聖法而民始可與論議摧亂六

律鑠絕筭瑟音四寒瞽曠之耳而天下始人舍其

聰矣滅文章散五采膠離朱之目而天下始

人舍其明矣毀絕鈎繩而棄規矩力的切也

工倕之指而天下始人有其巧矣故曰大巧

若拙削曾史之行鉗楊墨之口擗棄仁義而

○

○

天下之德始玄同矣彼人含其明則天下不
鑠矣人含其聰則天下不累矣人含其知則
天下不惑矣人含其德則天下不僻矣彼魯
史揚墨師曠工倕離朱者皆外立其德而以
燔燔音亂天下者也法之所無用也予獨不知
至德之世乎昔者容成氏大庭氏伯皇氏中
央氏栗陸氏驪畜氏軒轅氏赫胥氏尊盧氏
祝融氏伏羲氏神農氏當是時也民結繩而
用之甘其食美其服樂其俗安其居鄰國相
望雞狗之音相聞民至老死而不相往來若

此之時則至治已今遂至使民延頸舉踵曰
某所有賢者靡糧而趣之則內棄其親而外
去其主之事足跡接乎諸侯之境車軌結乎
千里之外軌微跡列交也則是上好知之過也上誠
好知而無道則天下大亂矣何以知其然邪

夫弓弩畢弋捕曰機變之知多則鳥亂於上矣鉤

餌罔罟罾筍之知多則魚亂於水矣削音格

所以施羅網之木羅落罝罟之知多則獸亂於澤矣

知詐漸毒頹滑堅白解垢同異之變多則俗

惑於辯矣

以上文例之亦當爲三事知詐漸毒者以
知相詐積漸成毒也堅白者堅執爲白同
異者合異爲同皆公孫龍之書有此語頡
相競爲高也滑猶走弄不定也彼堅執以
爲白而辯之者與之相頡使之走弄不定
解散也垢身之塵垢也解垢同異者解散
其同如垢之脫也上一句說知下二句說
辯

故天下每每大亂罪在於好知故天下皆知
求其所不知而莫知求其所已知者皆知非

其所不善而莫知非其所已善者是以大亂
故上恃日月之明下燦山川之精中墮音四
時之施喘音軟奕音五肖音消翹音小莫不
失其性甚矣好知之亂天下也自三代以下
是已舍夫種種之民

種上聲種類也一類而已非有秀異
而悅夫役役之佞釋夫恬淡無爲而悅夫
嗔之意嗔嗔已亂天下矣

○南華真經循本卷之十一

南華真經循本卷之十二

虛 陵 竹 峯 羅勉道述

門 人 彭祥點校

外篇

在宥

楊四

六

聞在宥天下不聞治天下也在之者恐天下
之淫其性也宥之者恐天下之遷其德也天
下不淫其性不遷其德有治天下者哉者堯
之治天下也使天下欣欣焉人樂其性是不
恬也桀之治天下也使天下瘁瘁焉人苦其

性是不愉也。夫不恬不愉，非德也，而可長久。者天下無之。

在宥兩字想當時有此語。今人讀之差異耳。如詩宥密，亦不他見。在者任其自然，猶言在他宥寬也。在宥天下者，無所作為治天下者，必有禮樂刑政。若在之宥之，則何有治天下者哉。欣欣焉不恬靜者，不在之故。瘁瘁焉不愉悅者，不宥之之故。

人大喜邪，毗於陽。大怒邪，毗於陰。

毗助也。凡喜屬陽，怒屬陰。人之一身陰陽

調和則無疾若過於喜則助其陽勝矣過
於怒則助其陰勝矣

陰陽并毗四時不至寒暑之和不成其反傷
人之形乎

以四時之陰陽喻人身之陰陽也

使人喜怒失位禍四居處無常思慮不自得中道
不成章於是天下始喬詰早驚而後有盜跖

曾史之行

中道不成章言作事至中道而不成條理
也喬詰早驚不可制馭之貌

故舉天下以賞其善者不足舉天下以罰其惡者不給故天下之大不足以賞罰自三代以下者匆匆焉終以賞罰爲事彼何暇安其性命之情哉

因喜怒上發出賞罰一段

而且悅明邪是淫於色也悅聰邪是淫於聲也悅仁邪是亂於德也悅義邪是悖於理也悅禮邪是相於技也悅樂邪是相於淫也悅聖邪是相於藝也悅知邪是相於疵也天下將安其性命之情之八者存可也亡可也天

下將不安其性命之情之八者乃始嚮卷僞
囊而亂天下也

相助也助之即非自然禮有儀文故以爲
技聖則多能故以爲藝知則察人之過故
謂之疵嚮卷不伸舒之狀僞囊猶棺槨多

事貌

而天下乃始尊之惜之甚失天下之惑也豈
直過而去之邪乃齊戒以口之跪坐以進之
鼓歌以儻之吾若是何哉

跪坐以進之即老子所謂坐進此道吾若

是何哉言吾如此等人何

故君子不得已而臨蒞天下莫若無爲無爲也而後安其性命之情故貫以身於爲天下則可以託天下愛以身於爲天下則可以寄天下

貴愛其身甚於爲天下則乃可以寄託天

下

故君子苟能無解其五藏無擢其聰明尸居而龍見淵默而雷聲神動而天隨從容無爲而萬物炊累上焉吾又何暇治天下哉

解擢皆所以傷之尸居坐如尸也龍見如
龍之變化也淵默而雷聲默然如淵之深
沉而若聽雷聲也皆靜中變動非徒枯木
死灰萬物炊累謂萬物皆囿吾生育之中
如炊氣積累而熟

崔瞿問於老聃曰不治天下安臧人心老聃
曰汝慎無撓人心人心排下而進上上下下因
殺淖約柔乎剛強廉剗雕琢其熱焦火其寒
疑冰其疾俛仰之間而再撫四海之外其居
也淵而靜其動也縣音玄而天僨驕而不何係

者其唯人心乎

此極言人心之狀排抑之則縮沮而上升
進之則奮起而上排下者雖一時縮沮如
囚縛然其不平之氣固在進上者若恣其
奮發則充其怒至於能殺人淖約柔乎剛
強柔而能剛也廉劇雕琢剛而可柔也

其字皆指心而言疾速也撫猶行也其動
也懸而天此心動時如空中懸係於天也
僨驕者不可禁之勢

黃帝始以仁義擷人之心堯舜於是股無腹

勝上脛無毛以養天下之形愁其五藏以爲

仁義矜其血氣以規也畫法度然猶有不勝也

堯於是放讎兜於崇山殺三苗於三槐流共

土於幽都此不勝天下也夫句施去及三王

而天下大駭矣下有桀跖上有曾史而儒墨

早起於是乎喜怒相疑愚知相欺善否相非

誕信相譏而天下衰矣大德不同而性命爛

漫矣天下好知而百姓求竭矣於是乎鉞引

切鋸制焉繩墨設焉推鑿決焉天下脊脊

與不救不躋之躋同累足而行也

大亂罪在擾人心故賢者伏處大山嵒巖之下而萬乘之君愛慄乎廟堂之上今世殊死者相枕也桁楊者相推也刑戮者相望也而儒墨乃始離跂攘臂乎桎梏之間

離跂者促抵伴離地攘臂者舉其臂談者

足與手俱起也

意聲平甚矣哉其無愧而不知恥也甚矣吾未

知聖知之不為桁楊接楫也音接音楫仁義之

不為桎梏鑿枘也鑿音枘音焉知曾史方不為桀

跖嚙許交切矢也

弓矢所以爲利用言魯史乃爲桀跖之利
用

故曰絕聖棄知而天下大治

黃帝立爲天子十九年令行天下聞廣成子
在於空同之上

爾雅云北戴斗極爲空同山揚四一曰在梁國

虞城東三十里

故往見之曰我聞吾子達於至道敢問至道
之精吾欲取天地之精以佐五穀以養民人
吾又欲官陰陽以遂羣生爲之奈何廣成子

曰而所問者物之質也而所欲官者物之殘也

汝所問者至道是物之本質而汝所官使
者陰陽二氣是物之殘零

自而治天下雲氣不待族而雨族合也草木不

待黃而落日月之光日以荒矣而佞人之心

剪剪狹小也者又奚足以語至道黃帝退捐天

下築特室席白茅間居三月復往邀之廣成

子南首去聲而卧黃帝順下風膝行而進再拜

稽首而問曰間吾子達於至道敢問治身奈

何而可以長久廣成子蹙然而起曰善哉問
乎來吾語汝至道至道之精窈窈冥冥至道
之極昏昏默默無視無聽抱神以靜形將自
正必靜必清無勞汝形無搖汝精乃可以長
生目無所見耳無所聞心無所知汝神將守
形形乃長生慎汝內閉汝外多知為敗我為
汝遂於大明之上矣至彼至陽之原也為汝
入於窈冥之門矣至彼至陰之原也

遂者往而竟至也陰陽之原先天太極也

天地有官陰陽有藏去聲慎守汝身物將自壯

官者如官司藏者如府藏物者如官司府藏中之物

我守其一以處其和故我脩身千二百歲矣吾形未嘗衰黃帝再拜稽首曰廣成子之謂天矣廣成子曰來余語汝彼其物無窮而人皆以爲終彼其物無測而人皆以爲極得吾道者上爲皇而下爲王失吾道者上見光而下爲土

生而上見日月之光死則下爲土矣今夫百昌皆生於土而反於上

百昌者凡百昌盛之物

故將去汝入無窮之門以遊無極之野吾與
日月參光吾與天地爲常當我縉乎遠去我
昏乎人其盡死而我獨存乎

縉絲之合也昏杳冥也當我謂近我而來

之境即無窮之門無極之野遠我謂遠我
而去之世即去汝也言自此去後恐仙境
之近我者如縉之合而不可離乎塵世之
遠我者杳冥而不復見乎其未得道之人
盡死而我獨存乎三乎字有惻然憫世而

憂道絕之意

雲將東遊

李云雲王帥也

過扶搖之枝

李云扶搖神木也生東海

而適遭鴻蒙

司馬云自然元氣也

鴻蒙方將拊

辨四

解爵躍而遊

十三

將見之倘然止

贊然立

倘音啟自失貌贊然立者致恭而立如執

贊然

曰叟何人邪叟何為此鴻蒙拊解爵躍不輟

對雲將曰遊雲將曰朕願有問也鴻蒙仰而
視雲將曰吁雲將曰天氣不和地氣鬱結六
氣不調四時不節今我願合六氣之精以育
羣生爲之柰何鴻蒙拊髀躡踵掉頭曰吾弗
知吾弗知雲將不得問又三年東遊過有宋
之野而適遭鴻蒙雲將大喜行趨而進曰天
忘朕邪天忘朕邪再拜稽首願聞於鴻蒙鴻
蒙曰浮遊不知所求猖狂不知所往遊者執
掌以觀無妄朕又何知雲將曰朕也自以爲
猖狂而民隨予所往朕也不得已於民今則

民之放上聲也願聞一言鴻蒙曰亂天之經逆
物之情玄天弗成解獸之羣而鳥皆夜鳴災
及草木禍及昆蟲噫治人之過也雲將曰然
則吾奈何鴻蒙曰噫毒哉僂僂乎歸矣

噫毒哉歎治天下者之遺害也僂僂乎歸

十四

十三

矣鴻蒙欲翩然歸也

雲將曰吾遇天難願聞一言鴻蒙曰噫心養
不言養心而言心養者心以無為為養也
汝徒處無為而物自化徒但墮爾形體吐爾
聰明倫與物忘

倫類一切之類皆與物忘

大同乎倅俱解心釋神莫然無竟萬物云云
各復其根各復其根而不知

即所謂一物各具一太極云云者非一言
可盡也

渾渾戶本切沌沌徒本切終身不離若彼知之乃
是離之

具於身中未嘗相離但人不能自知耳若
彼能知之則是外物可離者矣

○ 無問其名

本無名

無闕其情

本無情

物故自生

○

即所謂男女構精萬物化生

雲將曰天降朕以德示朕以默躬身求之乃
今也得

此不在身外反而求之即得矣老莊之所
以眇觀天地糠秕人事者恃其有此耳今

襲其學者皆空談而闢之者竟莫得其實
再拜稽首起辭而行

世俗之人皆喜人之同乎已而惡人之異於
已也同於已而欲之異於已而不欲者以出
乎衆爲心也夫以出乎衆爲心者曷嘗出手

衆哉因衆以寧所聞不如衆技衆矣

有人異已便是他不肯服從故喜人之同已而惡人之異已者欲人皆服從而超出乎衆也然以出乎衆爲心者何嘗出乎衆哉因衆人之同已而無異論然後耳根方

將四

十四

寧靜如此則是吾之所能不如衆人之所能多矣又何嘗出乎衆哉

而欲爲人之國者此攬乎三王之利而不見其患者也此以人之國僥倖也幾何僥倖而不喪人之國乎其存人之國也無萬分之一

而喪人之國也。一不成而萬有餘喪矣。悲夫。有土者之不知也。

言治國者皆欲出乎衆者也。

夫有土者有大物也。有大物者不可以物物而不物。故能物物明乎物物者之非物也。豈

獨治天下百姓而已哉。出入六合遊乎九州

獨往獨來是謂獨有。獨有之人是之謂至貴。

大物者只是一箇大物。物物者逐物分之

也不物者不役於物也。天下乃是渾全一

箇大物。豈可分爲物物。物纖悉治之。惟能不

役於物者任其紛紛不足以撓之故云而不物物故能物物曉得物物者之非是物則豈特治天下不煩碎進於道矣得道之人獨爲至貴乃能出乎衆也

大人之教若形之於影聲之於響有問而應

揚四

十五

之盡其所懷爲天下配處乎無響行乎無方挈汝適復之撓撓以遊無端

適復往復也挈汝往復擾擾之民以遊於無端

出入無旁與日無始頌論形軀合乎大同而

無已無已烏乎得有有觀有者昔之君子觀
無者天地之友賤而不可不任者物也卑而
不可不因者民也匿而不可不爲者事也處
而不可不陳者法也遠而不可不居者義也
親而不可不廣者仁也節而不可不積者禮
也中而不可不高者德也一而不可不易者
道也伸而不可不爲者天也故聖人觀於天
而不助成於德而不累出於道而不謀會於
仁而不恃薄於義而不積應於禮而不諱接
於事而不辭齊於法而不亂恃於民而不輕

因於物而不去物者莫足爲也而不可不爲
不明於天者不純於德不通於道者無自而
可不明於道者悲夫何謂道有天道有人道
無爲而尊者天道也有爲而累者人道也主
者天道也臣者人道也天道之與人道相去
遠矣不可不察也

湯四

十六

此章意淺語囁必狗尾之續貂

南華真經循本卷之十二